



partii naleraq

15.okt 2018

UKA2018/188

Imaani avatangiisit illersorneqarnissaat pillugu Inatsisartut inatsisaata allanngortinneqarnera pillugu Inatsisartut inatsisissaat nr. xx, xx. xxx 2018imeersoq
(Pinngortitamut, Avatangiisinut Ilisimatusarnermullu Naalakkersuisoq)

Imaani avatangiisit illersorneqarnissaat pillugu inatsisartut inatsisissaattut siunnersuut oqaaseqarfigissavarput.

Nunatsinni avatangiisit illersorneqarnissaat Partii naleqqamiit pingaartilluinnagaraarput nunamippat silaannarmiippat imaaniippalluunnit assigiimmik avatangiisitta illersorneqarnissaat tamannami pingaaruteqarluinnartoq oqaatigerusupparput.

Tassami nunatsinni issittumi avatangiisinik sukkanersumik illersuinissaq pinngitsoorneqarsinnaangilaq nakkutigilluannigikkaanni ukiorpassuarni innarlerneqartarnera takussutissaqartuannarmat.
Pingaartumik uumasut naasut inuuniarnitsinnut tunngavigut mianerilluinnarlugit illersuilluni ingerlasoqartariaqarmat.

Ukiuni makkunani ajoraluartumik maangaannaq pinngortitamut eqqaarneq atuugaavallaarujussuarpoq, taamatullu akisussaassuseqanngitsumik pissusilersortarneq akuersarneqarsinnaangilaq.

Kommunit ullumikkornit aamma nakkulliinerusariaqalerput illoqarfiup nunaqarfiullu avataaniippat imaluunniit illoqarfiup nunaqarfiullu iluaniippata tassami takussutissaqarluarpoq qanoq avatangiisigut ataqinnginngitsigalugit ingerlasugut pussiakorpasuit allarpasuillu eqqakkat takussutissaqarput, tamannalu pinngortitamut uumasunullu naviarnarsiartuinnartoq ataatsimoorullugu akiortariaqalerparput.

Uani inatsisartut inatsisaata allanngortinnissaani nunami imaanilu avatangiisinik illersuinissami inatsisip oqaasertaasa kalaallisut qallunaatullu atorneqartut assigiissarneqarnissaat pineqartoq pissusissamisoortutut isigaarput tassami tamarmik allanersunik oqaaseqartaqarnerat nalorninarunnaarlugu aaqqinniarneqarmat.

Aaammalu allanngutissatut ikkunniarneqartoq tassalu imaatigut angallatinik misissuinissamut nakkutilliinissamullu periarfissat annertunerusunngorlugit inatsikkut tunngavissinneqarnissaat tamannalu aamma isumaqatigaluu oqaatigissavarput.

Allanngutissat aappaa tassalu pineqaatissiisarnermut tunngasoq tassanilu imartani malittarisassanik unioqutitsinermi sukanganerulersitsinissamik saqqummiussa q taperserparput.

Taamatut oqaaseqarluta eqqissimatitsinermi ataatsimiititaliamut ingerlateqqinnissaa innersuussutigaarput.

Hans Enoksen